

乙菴先生購得此本亟以見示縑帛數過溽  
暑都忘甲寅閏五月十九日樊增祥記



萬里橋邊枇杷花  
庭閉門銷盡爐香  
孤鸞一世無福學  
鴛鴦十一西川節  
度誰能捨女校書  
郎門前井碧桐一  
樹七十五年霜  
琳瑯詩半卷元明  
棗本佳語如簧自  
微之吟翫重付東  
陽恨不紅箋小字  
桃花色自寫斜行  
碑銘事昌黎不用  
還用段文昌

一作青：塚韓碑不用還用段文昌

乙菴先生屬題司其上調寓滿庭芳乞

政 甲寅閏五月廿二日燈下增祥倚聲時年六十有九

薛濤詩



薛濤字洪度本長安良家女父鄭因官  
寓蜀而卒母孀養濤及笄以詩聞外又  
能掃眉塗粉與士族不侔客有竊與之  
燕語時常中令臯鎮蜀召令侍酒賦詩  
僚佐多士為之改觀暮歲中令議以校  
書郎奏請之護軍曰不可遂止濤出入  
幕府自臯至李德裕凡歷事十一鎮皆

以詩受知其間與濤倡和者元稹白居易  
易牛僧孺令狐楚裴度嚴綬張籍杜牧  
劉禹錫吳武陵張籍餘皆名士其載凡  
二十人競有酬和濤僑止百花潭躬撰  
深紅小彩牋裁書供吟獻窮賢無竹筒  
之薛濤牋晚歲居禁錮訪新吟詩經  
息乎上後段文昌再敘成都太和嶺高  
卒年七十五

薛濤詩

五言律詩

酬父雨後翫竹

五言絕句

春望詞四首

風

宣上人見示與諸公唱和

蟬

月

池上雙鳥

蜀赴邊有懷上韋令公

養鴛艸

續父并桐吟

六言

詠八十一顆

七言絕句

賊平後上高相公

送友人

送盧員外

題竹郎廟

酬韋校書

聽僧吹蘆管

留鄆簡州寄棋子

上川主武相國二首

憶荔枝

斛石山曉望寄呂侍御

寄詞

斛石山書事

送姚員外

酬祝十三秀才

別李郎中

送扶鍊師

摩訶池贈蕭中丞

和李書記席上見贈

棠梨花和李太尉

酬文使君

酬吳隨君

酬李校書

賦凌雲寺二首

九日過雨二首

鼎雍秀才貽巴峽圖

上王尚書

和劉賓客王荦

江邊

贈蘓三十中丞

和郭員外題萬里橋

送鄭眉州

江亭宴飲

海棠溪

採蓮舟

菱荇沼

金燈花

春郊遊眺寄孫處士二首

酬楊供奉法師見招

試新服裁製初成三首

寄張元夫

酬辛員外折花見遺

贈遠二首

秋泉

柳絮

贈楊蘊中

續嘉陵驛詩獻武相國

段相國遊武擔寺病不能

贈段校書

酬杜舍人

籌邊樓

十離詩

四友贊

田洙遇薛濤聯句

落花題共聯一首

題秋夜五十韻





薛濤詩

五言律詩

霜人雨後翫竹


南天春雨時那鑿雪霜姿衆類亦云茂

心寧自持多留晉賢醉早伴舜妃悲晚歲

復能賞蒼蒼効節奇

五言絕句

春望詞四首



花開不同賞花落不同悲欲問相思處花  
開花落時

其二

檻草結同心將以遺知音春愁正斷絕春  
鳥復哀吟

其三

風花日將老佳期猶渺渺不結同心人空  
結同心草

其四

那堪花滿枝翻作兩相思玉箸垂朝鏡春  
風知不知

風

獵蕙微風遠飄絃啾一聲林梢明浙瀝松  
徑夜淒清

宣上人見示與諸公唱和

許厠高齋唱渭泉定不如可憐誰記室流

永滿禪居

蟬

露滌清音遠風吹故葉齊  
聲聲似相接各在一枝棲

月

魄依鉤樣小扇逐漢機  
團細影將圓質人間幾處看

池上雙鳥

雙棲綠池上朝暮共飛還  
更憶將雛日心蓮葉間

罰赴邊有懷上常令公二首

聞道邊城苦今來到始知羞  
將門下曲唱與隴頭兒

其二

黠虜猶違命烽烟直北愁  
却教嚴譴妾不敢向松州

鴛鴦州

綠英滿香砌兩兩鴛鴦小但娛春日長不

管秋風早

續父井桐吟

庭除一古桐聳幹入雲中枝迎南北鳥葉

送往來風

六言

詠八十一

色比丹霞朝日形如合浦寶簾開時九九  
知數見處雙雙頽頽

七言絕句

賊平後上高相公

驕看天地白荒荒瞥見青山舊夕陽始信  
火威能照映由來日月借生光

送友人

水國蒹葭夜有霜月寒山色共蒼蒼誰言

千里自今夕離夢杳如關路長

送盧負外

玉壘山前風雪夜錦官城外別離魂  
信陵公子如相問長向夷門感舊恩

題竹郎廟

竹郎廟前多古木夕陽沉沉山更綠  
何處江村有笛聲聲聲盡是迎郎曲

鬻帚校書

芸香誤比荆山玉那似登科甲乙年  
淡地鮮風將綺思飄花散藥媚晴天

聽僧吹蘆管

晚蟬嗚咽暮鶯愁言語殷勤十指頭  
羅闥焚書聊一弄散隨金磬泥清秋

酬郭簡州寄柑子

霜規不讓黃金色圓質仍合御史香  
何處同聲情最異臨川太守謝家郎

上川王武相國二首

落日重城夕霧收  
玳筵雕俎薦諸侯  
因令朗月當庭燎  
不使珠簾下玉鈎

其二

東閣移尊綺席陳  
貂簪龍節更宜春  
軍城畫角三聲歇  
雲幕初垂紅燭新

憶荔枝

傳聞象郡隔南荒  
絳實豐肌不可忘  
惟有

青衣連楚水  
得類瓊漿

斛石山曉望  
呂侍御

曦輪初轉照仙宮  
旋擘烟嵐上杳冥  
不得玄暉同指點  
天涯蒼翠漫青青

寄詞

茵閣芝樓杳靄中  
霞開深見玉皇宮  
紫煙天上神仙客  
稱在人間立世功

斛石山書事

王家山水畫圖中意思都盧粉墨容今日  
忽登虛境望步搖冠翠一千峯

送姚員外

萬條江柳早秋枝裊地翻風色未衰欲  
爾來將贈別莫教烟月兩鄉悲

酬祝十三秀才

浩思藍山玉彩寒冰囊敲碎楚金盤詩家  
利器馳聲久何用春闈榜下看

別李郎中

花落梧桐鳳別凰想登秦嶺更淒涼安仁  
縱有詩將賦一半音詞雜悼亡

送扶鍊師

錦浦歸舟巫峽雲綠波迢遞雨紛紛山陰  
妙術人傳久也說將鶩與右軍

摩訶池贈蕭中丞

昔以多能佐碧油今朝同泛舊仙舟淒涼

逝水頽波遠惟有碑前咽不流

和李書記席上見贈

翩翩射策東堂秀豈復相逢豁寸心  
借問風光為誰麗萬條絲柳翠烟深

棠梨花和李太尉

吳均蕙圃移嘉木正及東溪春雨時  
日晚

鶯啼何所為淺深紅膩壓繁枝

酬文使君

延英晚拜漢恩新五馬騰躡九陌塵  
今日謝庭飛白雪巴歌不復舊陽春

酬吳隨君

支公別墅接花局買得前山總未經  
入戶剡溪雲水滿高齋咫尺躡青冥

酬李校書

才遊象外身雖遠學茂區中事易聞  
自顧漳濱多病後空瞻逸翮舞青雲

賦凌雲寺二首

聞說凌雲寺裏苔風高日近絕纖埃橫雲  
點染芙蓉壁似待詩人寶月來

其二

聞說凌雲寺裡花飛空逸磴逐江斜有時  
鎖得嫦娥鏡鏤出瑤臺五色霞

九日遇雨二首

萬里驚颺朔氣深江城蕭索晝陰陰誰憐

不得登山去可惜寒芳色似金

其二

茱萸秋節佳期阻金菊寒花滿院香神女  
欲來知有意先令雲雨暗池塘

甬雍秀才貽巴峽圖

千疊雲峰萬頃湖白波分去逸荆吳感君  
識我枕流意重示瞿塘峽口圖

上王尚書

碧玉雙幢白玉郎  
初辭天帝下扶桑  
手持雲袂題新榜  
十萬人家春日長

和劉賓客玉蕊

瓊枝的皜露珊珊  
欲折如披玉彩寒  
閒拂朱房何所似  
綠山偏映日輪殘

江邊

西風忽報燕雙雙  
人世心形兩自降  
不為魚腸有真訣  
誰能夜夜渡清江

贈蘓三十中丞

洛陽陌上埋輪氣  
欲逐秋空擊隼飛  
芝泥檢徵詔  
別須臺外振霜威

和郭員外題萬里橋

萬里橋頭獨越吟  
知憑文字寫愁心  
細侯風韻兼前事  
不止為舟也作霖

送鄭眉州

雨暗眉山江水流  
離人掩袂立高樓  
雙旌

千騎駢東陌獨有羅敷望上頭

江亭宴餞

綠沼紅泥物象幽范汪兼倅李并州離亭  
急管四更後不見車公心獨愁

海棠溪

春教風景駐仙霞水面魚身總帶花人世  
不思靈卉異競將紅纈染輕沙

採蓮舟

風前一葉厭荷蕖解報新秋又得魚兔走  
鳥馳人語靜滿溪紅袂棹歌初

菱荇沼

水荇斜牽綠藻浮柳絲和葉卧清流何時  
得向溪頭賞旋摘菱花旋泛舟

金燈花

闌邊不見叢叢葉砌下惟翻豔豔葉細視  
欲將何物比曉霞初疊赤城宮

春郊遊眺寄孫處士二首

低頭久立向薔薇  
愛似零陵香惹衣  
何事碧溪孫處士  
百勞東去燕西飛

其二

今朝縱目翫芳菲  
夾纈籠裙繡地衣  
滿袖滿頭兼手把  
教人識是看花歸

酬揚供奉法師見招

遠水長流潔復清  
雪因高卧與雲平  
不嫌

衮室無烟火  
惟笑商山有姓名

試新服裁製初成三首

紫陽宮裏賜紅綃  
仙霧朦朧隔海遙  
霜兔毳寒冰蠶靜  
嫦娥笑指織星橋

其二

九氣分為九色霞  
五靈仙馭五雲車  
春風因過東君舍  
偷樣人間染百花

其三

長裾本是上清儀，曾逐羣仙把玉芝。  
每到宮中歌舞會，折腰齊唱步虛詞。

寄張元夫

前溪獨立後溪行，鷺識朱衣自不驚。  
借得人間愁寂意，伯牙絃絕已無聲。

酬辛員外折花見遺

青鳥東飛正落梅，銜花滿口下瑤臺。  
一枝為授殷勤意，把向風前旋旋開。

贈遠二首

芙蓉新落蜀山秋，錦字開緘到是愁。  
閨閣不知戎馬事，月高還上望夫樓。

其二

擾弱新蒲綠又齊，春深花落塞前溪。  
知君未轉秦關騎，月照千門掩袖啼。

秋泉

冷色初澄一帶烟，幽聲遙瀉十絃絃。  
長來

枕上牽情思不使愁人半夜眠

柳絮

二月楊花輕復微春風搖蕩惹人衣他家  
本是無情物一任南飛又北飛

贈楊蘊中

玉漏聲長燈耿耿東牆西墻時見影月明  
窗外子規啼忍使孤魂愁夜永

續嘉陵驛詩獻武相國

蜀門西更上青天強為公歌蜀國

長卿稱士女錦江玉壘獻山川

段相國遊武擔寺病不能從題寄

消瘦翻堪見令公落花無那恨東風  
猶道青春在羞看飛蓬石鏡中

贈段校書

公子翩翩說校書玉弓金勒紫綃裾  
莫便驕名譽文采風流定不如

醉社舍人

雙魚底事到儂家  
撲手新詩片片霞  
唱到白蘋洲畔曲  
芙蓉空老蜀江花

籌邊樓

平臨雲鳥八窗秋  
壯壓西川四十州  
諸將莫貪羌族馬  
最高層處見邊頭

十離詩

元微之使蜀嚴司空遣濤往侍後

因事獲怨遠之濤作十離詩以狀

遂復善鳥

馴擾朱門四五年  
毛香足淨主人憐  
無端咬著親情客  
不得紅絲鞵上眠

右犬離主

越管宣毫始稱情  
紅牋紙上撒花瑣  
都緣用久鋒頭盡  
不得羲之手裡擎

右筆離手

雪耳紅毛淺碧蹄追風曾到日東西為驚  
玉貌郎君墜不得華軒更一嘶

右馬離廐

隴西獨自一孤身飛去飛來上錦茵都緣  
幽語無方便不得籠中再喚人

右鸚武離籠

出入朱門未忍拋主人常愛語交交啣泥  
穢汗珊瑚枕不得梁間更累巢

右燕離窠

皎潔圓明內外通清光似照水晶宮都緣  
一點瑕相穢不得終霄在掌中

右珠離掌

戲躍蓮池四五秋常搖朱尾弄綸鈞無端  
擺斷芙蓉朵不得清波更一遊

右魚離池

不利如鋒眼似鈴平原捉兔稱高情無端

竄向青雲外不得君王臂上擎

右鷹離鞞

翦鬣新裁四五行常將勁節負秋霜為綠  
春筍鑽端破不得垂陰覆玉堂

右竹離亭

鑄馮黃金鏡始開初生三五月徘徊為道  
無限塵蒙蔽不得華堂上玉臺

右鏡離臺

四友贊

磨捫蠶先生之腹濡藏鋒都尉之頭引書  
媒而默默入文畝以休休



田洙遇薛濤聯句

落花為題共聯一首

韶豔應難挽洙

芳華信易凋濤

綴堦紅尚媚洙

委地白仍嬌濤

墜速如辭樹洙

飛遲似戀條濤

蘇鋪新屢繡洙

草疊巧裁綃濤

麗質愁先殞洙

香魂痛莫招濤

燕脚歸故壘洙

蝶逐過春房濤



黏帙將歸塵

遇晴猶有態

蜂趁低蕪絮

輕盈珠履踐

鳥過生愁觸

褪萸浮雨澗

積徑教童掃

媚人沾錦瑟

經雨信無聊

魚吞細雜藻

零亂翠鈿飄

兒嬉最怕搖

殘蕊漾風潮

沿流倩水漂

淪茗入詩瓢

玉貌樓前墮

芳園曾藉坐

羅扇姬盛辦

折來随手盡

泥浣猶悽慘

葉濃陰自厚

豈必分茵溷

香餘向各竊

冰容夢裡消

長路或追鏢

筠籬僕護苗

帶處近髮焦

甕空更寂寥

蒂密子偏饒

寧思上研硝

珮解不煩邀

冶態宜宮額洙  
粧臺休浪拂洙

痴情妬舞腰洙  
留伴可憐宵洙

題秋夜五十韻

庭月如鋪練洙

池星似撒棋洙

天空河影澹洙

節換斗杓移洙

梨棗低垂樹洙

藤蘿密蔓籬洙

草紛螢火亂洙

榦偃鳥巢欹洙

恠石形疑魅洙

芳花色勝姬洙

髹盆涼沁水洙

紈扇靜搖颺洙

雙陸收散局洙

琵琶上練絲洙

砌蛩音遠近洙

簷馬響參差洙

銀作彈箏甲洙

鼉為冒鼓皮洙

秋筠斜織簟洙

暑帳蕙裁綺洙

宿燕棲還起洙

鷺禽下復疑洙

地幽塵間寂洙

城遠漏迤迤洙

窈窕來紅拂洙

雍容識紫芝洙

緣深天作合清

誓重鬼難欺沫

幸已逢良夕清

難哉遇少時沫

慙慙酬契濶清

傾倒極淋漓沫

蓮實瑤琴軫清

荷筒碧酒卮沫

鱠呼能婢斫清

瓶喚小鬟持沫

敲破開螃蟹清

脣腥啖蛤蜊沫

菱煩纖手剝清

肉拔利刀披沫

令急觥行速清

詞清曲度遲沫

歡酬兼爾汝清

講論雜乎而沫

冷脆嘗瓜果清

鹹酸發醃醃沫

艷杯浮琥珀清

異品搯玻璃沫

熊掌停犀筋清

酥湯進蜜脾沫

渴來便茗好清

酣後快冰宜沫

妙句聯將就清

狂心坐已馳沫

歌筵渾可罷清

卧具早教施沫

不用尋桃李清

那須聽竹枝沫

媚人鶯語滑清

惱醉蝶情痴清

咳處珠凝唾清

顰時黛蹙眉清

釵斜金溜髻清

釧冷粟生肌清

小小真能謔清

眇眇最解詩清

風流雲雨夢清

宛轉艷陽詞清

步緩腰肢袅清

鬟低耳語私清

夜香防竊聽清

午浴避潛風清

繡袷含羞脫清

銀燈灺成吹清

素羅衫畔解清

粉汗枕前滋清

暖玉籠簫清

春蔥指露錐清

雲偏鬆綠髮清

浪颭動青幃清

柳態堪歸畫清

嬌顏可療饑清

穠塵新舞浣清

鬢膩宿油脂清

荀鶴高文譽清

崔鶯絕世姿清

未誇連蒂好清

只羨並頭奇清

何處空題葉清

誰家謾結襦清

漆膠當自固溥

祗席只余知溥

慎勿萌嫌隙溥

母令惜別離溥

芝蘭同臭味溥

松柏共襟期溥

永奉閨房樂溥

長陪楮墨嬉溥

太山如作礪溥

此志莫教虧溥



鳳孫書衡授經伯完孝先閤聲森玉庠樓  
諸君集

沈林先生齋為戊午除夕祭書之會編觀  
善本書此以志  
吳江沈兆奎



春澗錦江想雲研斷牋詩幅對節府香  
達名侶唱酬倦續繫鉛送老翠袖冷終  
虛金屋比斷腸集勝細與燃脂編錄  
洗墨池荒精刊傳祕古蠹猶馥復增色  
瑯環緇錦艷題標目蛾眉遭際到今感  
觸看等閒紅粉告身盈握

標改高

沅耕先生以明刊薛濤詩屬題念其婦眉才調澄於一  
命可謂生不逢時平倚蕙蘭芳引同博一笑

庚午冬空江濱夏孫桐時年七十有四



箏琶響細亦唐音落葉哀悵怨慕深二十福人十一鎮  
唱鼎誰識女郎心 茗椀花牋千載香 蘭州聯詠自堂  
堂薛濤井在成都江樓下何道州題聯云花牋茗椀  
香千載雲影波光活一樓終為人兩稱絕調卅年故國尋春夢 迴  
盡江頭九曲腸 錢塘蘓小是鄉親用隨園詠怪道臧園鑑別  
真舐沫一編三款服 世間那有浪傳人

臧園年文以明薛濤詩命題此在樊夏之後真難系詞也

乙亥東坡生日蕭方騏紫超呵凍

